

WATAN: JANGAN KHAYAL

PM: Di zaman moden tidak siapa yang akan selamat

KUALA LUMPUR, Sabtu — Perdana Menteri, Datuk Seri Dr. Mahathir Mohamad, memberi amaran bahawa umat Islam akan ditewaskan jika tanggungjawab mempertahankan watan tidak diambil berat.

"Hari ini Lebanon diceroboh. Mungkin esok kita akan ditewaskan," kata Perdana Menteri.

"Mungkin ada di antara kita yang akan menyoal kenapa kita, kenapa tidak orang lain yang ditugaskan untuk memertahankan negara. Jika seseorang ditugaskan untuk memertahankan negara bertanya: kenapa dia dan tidak orang lain, tidak ada siapa yang akan memikul tugas ini," katanya di upacara penutup dan penyampaian hadiah Musabaqah

Membaca Al-Quran Angkatan Tentera, di sini malam ini.

Datuk Seri Dr. Mahathir, yang juga Menteri Pertahanan berkata, kenyataan yang perlu diterima dalam memertahankan negara, ada yang akan memikul senjata dan ada yang tidak. Di zaman moden, tidak siapa yang akan selamat. Semuanya akan diserang dan semua akan menghadapi bahaya. Tidak ada keselamatan tanpa

korban. Di zaman Rasulullah, tambah Perdana Menteri, yang perlu ialah kuda dan pedang. Tetapi, di zaman ini pula ialah perlu berpandu dan kereta kobal, latihan yang kemas dan susunan pertahanan yang mengambil taktik dan strategi moden. Perdana Menteri mengingatkan bahawa dunia sekali-

lagi menyaksikan keangkuhan dan kejayaan bangsa Yahudi yang tidak berbeza dari kejayaan rejim Nazi di masa Hitler memerintah Jerman. Wilayah Arab dilanggar tanpa memperdulikan pendapat dunia dan askar-askar Bangsa-Bangsa Bersatu. Orang-orang awam, kanak-kanak dan orang-orang tua dibom, ditembak dan dibunuh.

Ujarnya, beribu-ribu mati dan cedera kerana manusia yang bengis seperti Nazi Jerman memerintah Palestin dengan sokongan pihak-pihak tertentu.

Datuk Seri Dr. Mahathir menyatakan sedih atas perbuatan tidak berperikemanusiaan itu.

Oleh itu, katanya, negara-negara Islam dan Arab perlu merayu kepada dunia supaya mendesak Yahudi menghentikan pencerobohan dan kejayaan Nazi itu.

"Apakah kali ini pihak lain akan mendengar rayuan kita, sedangkan dahulu mereka tidak mendingarnya. Apakah orang yang tidak sedikitpun bersimpati dengan kita dan berideologi kebendaan serta tidak percaya kepada Tuhan akan menolong kita?," soal Perdana Menteri.

"Kita khayal jika laju kita memikrkan kita akan ditolong," katanya. Perdana Menteri berkata, bagi angkatan tentera, mesej dalam Al-Quran yang perlu diambil berat dan diamalkan ialah persediaan bagi mempertahankan umat Islam dan wilayah-wilayah mereka.

Al-Quran menyuruh kita berdisiplin dan jangan membantah atau membelakangkan perintah. Jika semua suruhan dipatuhi dan diamalkan, kita tidak lagi perlu khayal dengan harapan bahawa apabila kita diserang, orang lain akan membantu kita," ujar beliau.

Oleh itu, tegas Perdana Menteri, sekiranya Al-Quran menjadi petunjuk yang lengkap bagi memandu kehidupan di dalam semua aspek kehidupan — politik, sosial, ekonomi, kementerian dan lain, perlulah berusaha bersungguhsungguh untuk mendekatkan diri dengan Al-Quran.

Tema musabaqah angkatan tentera itu ialah "Al-Quran menyatukan segala".

No. Siri 2832
No. Penerimaan 597/86

Bahan asal dari Arkib
Negara Malaysia